

寧國府志卷之九

直隸寧國府知府任丘黎晨校刊

禮祀紀

傳曰國之大事在祀與戎鬼神之為德洋洋乎養育庶類牖導群衆豈人力哉是故聖王制為祭祀之禮禮者報也反其所自始夫禮神治民其義一也非其族也不在祀典是故淫祀不經瀆祀不享經而不瀆祭則受福漢晉以前天下郡縣惟社稷得通祀今大者風雲雷雨社稷山川孔子小者厲

寧國府志卷九

一

鬼並列常祀降自

天子罔有隆殺是為一守土吏而備百神之主也

可不懼歟

先師廟

規制詳學宮

祀先師孔子東西列四配

顏子曾子思子

孟十哲次之

閔子騫冉伯牛冉仲弓宰子我端木子貢冉子有仲子路言子游卜子夏

顓孫兩廡列七十二子

澹臺蒧明原憲南宮适商瞿漆雕開司馬耕有若巫

馬期顏辛曹卹公孫龍秦祖顏高穰駟赤石作蜀公夏首后度奚容蒧顏祖句井疆秦商公孫句茲

縣成燕伋伋之僕樂欬狄黑孔忠公西蒧施之常秦非申棖顏噲宓不齊公治長公哲哀高柴樊須

公西赤梁鱸冉孺伯虔冉季漆雕哆漆雕徒父商澤任不齊公良孺公肩定鄒單罕父黑榮旂左人

郟鄭國原亢廡繫叔仲會邾巽春秋以來諸儒次

公西與如陳亢琴張步叔乘左丘明公羊高穀梁赤高堂生毛萇伏勝孔安國董仲舒后蒼王通杜子春韓愈胡瑗周惇頤

程顥程頤邵雍張載司馬光歐陽脩楊時朱熹呂祖謙胡安國張栻蔡沉真德秀許衡歲以

春秋二仲上丁日脩其祀事

凡祭先師用幣一羊一豕一爵三登一鉶二簠二

簋二邊八豆八舊制邊豆各十二四配共用羊一豕一各

幣一爵三登一鉶二簠一簋一邊六豆六十哲共

用幣二豕二各爵一鉶一簠一簋一邊四豆四兩

廡每廡共用幣一豕一每四壇共用爵四簠一簋

寧國府志卷九

二

一邊四豆四凡祭必大合樂麾一祝一敔一琴六

瑟二鐘十有六磬如之塤二箎如之簫四鳳簫如

之笙六笛四搏拊鼓二應鼓如之樂生三十八人

工歌六人旌二籥三十六翟如之舞生三十八人

舊制入侑用其屬邑祀日與儀並同無樂惟宣城

以附府省釋菜而已

啓聖祠規制詳學宮祀啓聖孔公以四氏配顏路曾點孔鯉子孟孫

從食者三人程珦朱松蔡元定凡有事於先師則先期行

事祭物視十哲以下屬邑並同

初國朝肇定祀典山川城隍等神已悉正其封號
惟孔子尚仍舊稱四配以下亦無所改嘉靖庚寅
上用輔臣言乃攷正禮制稱孔子曰至聖先師孔
子四配曰復聖顏子宗聖曾子述聖子思子亞聖
孟子十哲以下曰先賢某子左丘明以下曰先儒
某子遂別祀叔梁紇顏路曾點孔鯉孟孫氏程珦
朱松蔡元定八人於啓聖祠又黜申黨公伯寮秦
冉顏何荀况戴聖劉向賈逵馬融何休王肅王弼
杜預吳澄十三人增祀后蒼王通歐陽脩胡瑗四
人而以林放遠瑗鄭衆盧植鄭玄服虔范甯七人
各祀於其鄉併撤諸像易以木主改大成殿曰先
師廟戟門曰廟門籩豆各損其四樂用六佾以示
天下尊崇之意

社稷壇在西郊一里許北向社右稷左並用木主題曰府
社府稷之神環壇樹以松栢門垣庖庫齋居悉備
歲以春秋二仲上戊日陳主而祭初壇在北郭洪武戊午知府涂

節改築于此

凡祭各用幣一羊一豕一爵三登一鉶二簋二盞

二籩四豆四無樂其在屬邑者則曰縣社稷之神
惟宣城以附府省南陵壇在縣北二里涇在縣東
北一里寧國在縣西二里旌德在縣北半里太平
在縣西南半里

風雲雷雨山川壇

在南郊半里許

南向中爲風雲雷雨左

山川右城隍餘制並同社稷歲以春秋二仲上丁

之第三日陳主而祭

初壇在府南五里洪武乙丑知府俞尚宇改築于此

凡祭共用幣七牲視社稷加二之一爵與鉶登簠

簋籩豆亦如之無樂屬邑並同惟宣城省南陵壇

在縣南二百步涇在縣南二里寧國在縣南二里

旌德在縣南之西山太平在縣南半里

名宦祠

在正心樓

祀漢太守張竦李忠馬稜吳太守滕

胤晉內史桓彝宋太守謝眺梁太守何遠隋刺史

王選周超唐刺史裴耀卿班景倩竹承構崔敦復

崔瓌顏真卿裴休獨孤霖觀察使崔衍穆贊崔群

王凝宋刺史林仁肇知州事田錫袁甫晏殊彭思

永劉安節張果李光柱範王遂李道傳文天祥通

判胡宿縣丞呂誨元尚書史天澤廉訪使盧摯王

士熙推官楊載 國朝知府陳灌楊觀宋獻袁旭
葉錫沈性范吉同知劉誠石魏陳邦直姜綰通判
文敏陳紀推官王樞葉忠凡五十有四人祭以春
秋二仲上丁之第四日

凡祭共用羊一豕一菓蔬各十酒如其神之數初
名宦與鄉賢合祀於學宮成化庚子知府涂觀別
祀於此屬邑並置祠惟涇縣闕宣城祀漢令法雄
唐令柳鎮宋知縣事李堅 國朝知縣孫琳蕭吉
况子玉凡六人祠在學宮東南陵祀吳令周瑜周泰黃

寧國府志卷九

盖唐尉韋律宋知縣事梅正臣 國朝知縣梅鼎

縣丞謝文祥教諭任倫凡八人近以周公瑾以下

祀漢之春穀今之南陵也誤矣祠在學宮西寧國祀唐令范傳真宋知

縣事趙與糖李椿尉俞端禮 國朝知縣王普張

居敬郭真聞人珉凡八人按寧國舊祀宋令李椿

豈以其本傳有父升卒時椿年尚幼之句誤歟祠在先師廟西旌德祀宋知縣事

練恣劉性簿呂誨尉錢藻 國朝知縣曹祥凡五

人與鄉賢合祠太平祀宋知縣事孫覺陳汝賢

國朝知縣梁德遠柳世榮張潮凡五人與鄉賢合祠在先師

廟東

鄉賢祠在府內祀晉孝廉何琦宋都官梅堯臣工部

侍郎凌策翰林學士梅詢處士王相如祭酒汪澥

刑部侍郎章燾秘閣脩撰吳柔勝義烈方致堯秘

閣脩撰孫楫太常少卿李含章學士徐勣戶部侍

郎劉拯通判林宗放左丞相吳潛侍御史劉琦參

知政事吳淵屯田員外郎汪齊參政魏良臣吏部

尚書吳璞饒虎臣兵部侍郎虞儔元禮部尚書汪

澤民翰林學士貢奎尚書貢師泰 國朝贈戶部

皇國府志卷九

六

員外郎吳文常禮部尚書陳迪右副都御史董傑

贈光祿少卿萬琛右通政徐說知府吳宗周知縣

貢珊右都御史張綸同知趙瑞凡三十有四人

凡祭儀與日並同名宦有編脩鄒守益記畧曰

善禪惡以化民俗制自守令擇郡邑之德行道藝

者生以鄉飲酒禮之歿以鄉賢祠之昭榮辱別賞

罰其勸誠至精也人之情不相遠也世所賓禮而

祖豆則油然而慕之矣其所擯斥則戚然報之矣故

咸俛然脩其德行道藝遷善遠罪而不敢懈及教

之撤或華于文采或顯于爵位或席勢于子姓冒

焉以居之而山澤之敦龐純固其世浸微者或蔑

焉以泯於是俗始靡然以易視聽則亦相競於華

相構於顯相軋於勢而已嘻張官立法將以納民

於軌也而顧教以偷法端使然哉東廣區君越之

守寧國也晉謁郡之鄉賢退而攷其世無有紀焉
曰是無以詔我郡人乃礱石以來徵言予愛而稽
之自晉孝廉何公琦至我朝中丞董公傑合三
十人有孝友者有廉潔者有鯁直者有宗正學者
有優相業者有勤吏事者有敏訓迪者有擅文學
者諄諄然足以勵俗矣夫自晉迄于今世之相去
也遠矣民之生其間也亦繁矣或為世俎豆焉或
濱斥而不預焉有志之士獨不可以油然而興戚
然而改乎故章其孝友而俗知篤親矣章其忠義
而俗知報矣章其廉潔而俗不貪矣章其鯁直而
俗不詭隨矣章其正學而道術一矣章其相業而
覆鍊者懼矣章其吏事而素餐者慙矣章其訓迪
而樂育者奮矣章其文學而通今學古者出矣茲
區君所以風厲郡人而詔之之志也吾友汪君佃
方僚于君君尚相與覈之其有冒焉而居者乎思
以革之其有蔑焉而泯者乎思以闡之然後列其
姓氏正其德術使百世之下勸誡者有徵焉則所
以宣上德意而正民俗者且將百世有光矣

寧國府志卷九

七

屬邑並置祠惟宣城省南陵祀晉孝子何琦宋孝

子李經學士徐勣都官楊若縣令方懋德元知州

劉鑄義士張國岡國朝義士何應龍侍郎丁滋

僉事吳景凡十人祠在學宮西涇祀唐總管左難當宋

侍郎凌策侍御史劉琦寺丞昌永國朝副使王

著僉事程富贈御史左激布政使趙昌贈御史徐

旭都御史董傑知州左輔凡十一人祠在學宮西寧國

祀宋縣令王平學士章夏侍郎虞儔義士方致堯

叅政饒虎臣教授奚士達節度萬文勝元處士吳

晦之凡八人祠在先師廟東旌德祀宋祭酒汪澥一人與名

合太平祀宋贈通直郎王行之都大提舉焦炳炎

右文殿脩撰焦煥炎秘閣脩撰孫楫通判李材知

州章琰元縣令陳玉峯主簿汪文龍凡八人與名合

城隍廟在府治西南祀府城隍之神歲無特祀常以春

秋二仲附祭于風雲雷雨山川壇每厲祭則主之

其在屬邑者則曰縣城隍之神惟宣城省南陵廟

在縣北門內溼在縣北門內寧國在縣治西北旌

德在縣治西南太平在縣治東

寧國府志卷九

府厲壇在北郊一里許垣門庖福畧備歲用清明中元十

月朔凡三日先期府以告于城隍厥明導城隍于

壇榜無祀鬼神而祭之位列壇下

凡祭用羊二豕三菓蔬各四羹飯各數十酒亦如

之屬邑並同惟宣城省南陵壇在縣北門外溼在

縣東北半里寧國在縣北一里旌德在縣北門外

太平在縣東北一里又制有鄉厲壇以里老行事

今廢

敏應廟在府北敬亭山麓祀敬亭山之神歲用八月望日

褒烈廟在西門內祀宋知州事李莊簡光事見人歲用

六月六日相傳為公誕辰

汪文節公祠在南郭南家橋外祀元禮部尚書汪澤民歲

用仲秋上丁之第三日有巡撫兵部尚書王公恕

記畧曰生不遺道死能全節此人之所難是人也

小人姓汪氏諱澤民字叔志宣城人登元延祐戊

午進士第官至集賢直學士以嘉議大夫禮部尚

書致仕公既歸築室宛水之濱讀書自娛當紅巾

餘黨寇宣州之日公為江東部使者畫守城禦寇

之策十餘事寇再至擊退已而長鎗叛帥鎖南班

程述等挾兵渡江欲犯宣城或勸公去之公曰昔

江萬里寓都陽大軍逼城衆皆走散猶坐守以為

寧國府志卷九

民望况宣民離合視吾去留夫何之後城陷偽萬
戶丁堅使前鋒葛義執公逼降不屈遂遇害將死
罵猶不絕口鎖南等雅敬公名為具衣冠以葬事
上于朝贈資善大夫江洲等處行中書省左丞上
護軍追封譙國郡公謚曰文節墓在寧國郡城東
南嶧山之麓歷年滋久鞠為茂草土人平治之藝
麥其上成化丙申厥孫汪養志訟于官同知劉誠
覈實之為封其域未幾誠遷去通判天台陳紀得
公神道碑銘於宋太史景濂先生文集於忠是謀
諸知府徐觀欲為治墳建祠勒銘于石慰答忠魂
以為天下萬世臣子勸遂具願末以請余嘉其義
而許之紀乃經營琢石陶甃營壘壘墳墓勒宋
太史所為碑銘于石暨之神道造石門橋各一干
其前復于郡城南三里許買地數弓建祠一所中
為正堂前庭左右序各三間又前為門樓一間巡
按監察御史江右孫弁出公帑白金五十兩以助
成之首事於癸卯春訖工於是年冬馳書請余為
記夫人臣之居其位食其祿任其事一遭大變臨

大節或心無所主以苟安一時之生而忘厥大義者往往有之求其見道分明視死如歸者幾何人哉公當謝事歸田之日無職守無責任聞寇至而不去以為民望復為部使者畫策以禦寇及其被執逼降至死不屈此其所以難能也宜其膺顯贈獲美謚流芳百世使人敬之慕之至於如此使公當寇至之日奉身以竄被執之時屈節以降不過數年亦歸於盡人將唾罵之不暇又何贈謚敬慕之有紀為此舉故可為知所重弁復助成其事可謂與人為善者矣且其所以為國家為天下推忠節勵風俗者孰謂不在於斯乎因其請姑據此與之碑刻石以示來者若夫公之文章事業與夫家世歷履之詳則有宋太史所為碑銘在茲不贅

陳靖獻公祠在府祀

國朝禮部尚書陳迪歲用

春秋二仲上丁之第五日有通判李默記 日昔我

祖高皇帝親御戎馬締造家邦每以扶植綱常培養士氣為首務故雖殘元遺孽黨桀吠堯猶必曲宥而全貸之以示萬世人臣之義其固以為堅疑基祚奠安元元非此道無繇也厥後懿文皇太子薨

高皇已有倦勤之意永惟付託重計深

懷隱憂左顧右却賴有二三蓋臣為之羽翼既而天降禍亂靖難師興鐘虡不移市朝按堵則我

太宗文皇帝有再安宗社之功然齊黃諸人自

以身受國恩不敢懷貳駢首就虀宣城陳公迪實與焉予在詞垣時讀公事狀未嘗不掩卷而悲也

按公以洪武乙卯舉于京闈辟本郡儒學訓導嘗為郡草萬壽賀表 上覽而異之召拜翰林編脩

累遷雲南左布政三十一一年徵為禮部尚書同受顧命是時兵起國勢艱危公等力陳計畫南北

相持者五年事既弗就公益抗節不遜遂并其子丹山等六人磔于東市臨刑猶作五噫并死節詩

至今讀之使人潸然淚下豈其忠憤所感思以頑民自待者歟子糾之難忽死而仲請囚人因各有

志誠不能以彼易此

文皇帝嘗曰彼食其祿

自盡其心耳後錢習禮以練氏親黨恒不自安楊

文敏公因事諷上上曰使練子寧尚在朕固當用

之公死之日子孫子無唯類百餘年來宣人頗諱其

事成化之間郡守徐君觀稍祀公于故里尋即湮廢

使英爽之氣飄溢而無所依予甚悼焉嘉靖壬辰

予以吏部郎謫判是邦亟求其後得公五世從孫

太學生大林者而問之故乃謀諸前守餘姚邵君

燁具以狀白于巡按御史虞公守愚督學御史聞

人公詮請復置祠春秋薦享如大司馬溧水齊公

故事二公嘉許林亦奉地來獻地當郡學之東公

少讀書處也予曰故祠以故陋速壞今宜為久遠

計乃旁購他地益之中為正堂奉公像以居又北

為浩然堂各翼以兩廂浩然北有方塘塘畔為水

央亭其東為井最前為大門門東十餘步為宛陵

大節坊凡篚彝庖福几榻百物畢備歲給掃除一

人維祠據高臨曠宏麗瑰傑繼今而往庶幾其無

寧國府志卷九

十一

速壞云爾祠成郡中學者咸嘻呼慕嘆相與致私

愛於公而謚之曰靖獻先生遂因以名祠會予有

持憲東廣之命乃大會郡僚鄉大夫群執事以中

牢詣祠寧神而告成事嗚呼殷有三仁其志不同

其心安也故足以獻于先王不然死者復生生者

愧矣由是以觀諸公情事夫又何疑乎是役也肇

於甲午冬十一月甲申託於明年夏六月辛亥其

費與力並給于有司不以煩民而綜理出納則悉

委諸邑民貢汝舟吳孟學二人者恪勤靡懈又使

太平吳琪佐之太林周旋其間多所規畫是用能

集事以昭丕績均

可謂勞也已矣

遺愛祠在小東門內 祀宋知州事張果 國朝知府袁

旭歲用春秋二仲上下之第五日

關公廟在北門羅城內 祀漢將軍關羽歲用霜降日宣州

衛主之

廣惠廟在南陵縣西二里工山下二祀工山之神歲用六月晦

日

靈惠廟在涇縣西五里湖山下祀晉內史桓簡公彞以將軍

俞縱配食有孫尉劉誼記歲用二月二日相傳為公誕辰

右有司奉祠者七而已民間私祀則宣有東嶽廟

祀東嶽之神東平廟祀唐張巡諸邑多祀之魯府君廟祀隋梅二

烈清風亭祀元胡氏紀氏有御史涇有英濟汪王

廟祀隋汪華左王廟祀隋左難當難當與知巖汪華俱

寧國府志卷九

十一

邑多周太保廟祀吳春穀長周秦香心廟祀洪勝可妻梅氏事見人文紀

丁僊大王廟祀唐丁威威嘗為涇令寧國有章四相公廟祀南

唐宣歙鎮義烈方公廟祀宋方致堯事見人文紀八蜡廟此其

可證據者又南陵有神龍山殿寧國有西坑殿沈

大聖祠東靈祠黎相公廟旌德有鳧山廟類以涇

昏之鬼襲明神之號如是者甚眾惑世干典法不

備書

初宋時宣城有三皇廟在縣學西昌黎祠在舊府學二僊堂

在府治後祀四賢堂在舊府學祀徐勣六先生祠謝玄暉李白劉琦凌策梅堯臣

在舊府學祀周程橫渠晦庵南軒六先生義烈廟在北門外祀宋隊將劉晏晏在建炎中嘗及潰盜戚涇有李翰林祠在永安寺祀李白陳雷二府君在縣祠在縣西南五十里祀宋令陳焦雷魏公祠在縣祠其相傳二君開塘瀦水為利甚博學祀宋令魏祀今並廢

寧國府志卷之九 終